

COMUNICÂT STAMPE

UDIN - PALAÇ CLABASSI, VIE ZANON 22
INCONTRIAMOCI IN SOPRINTENDENZA / CJATÏNSI IN SORINTENDENCE

Joibe ai 20 di Avrîl
aes 16.30



DAL RESTAUR AE TUTELE:
PE COGNOSSINCE DE MADONE IN TRON
CUL FRUTIN DI MARTIGNÀ

Pe iniziative *Incontriamoci in Soprintendenza / Cjatînsi in Sorintendence*, joibe ai **20 di Avrîl aes 16.30** la Sorintendence Archeologie, bielis arts e paisaç dal Friûl-Vignesie Julie e organize un incuintri dedicât al **restaur de sculpture di len** de *Madone in tron cul Frutin* de Parochie di Sante Marie Assunte di Martignà, che si fasarà te sede di Udin in vie Zanon 22.

L'incuintri al vûl promovi la cognossince di un simulacri marian impuartant, za venerât par antîc inte glesie parochiâl di Sante Marie Maiôr di Martignà e tornât che al è pôc ae comunitât dai fedêi cu la Incoronazion solene de Vergjine e dal Frutin dai

2 di Otubar dal 2022, in ocasion de benedizion de parochiâl vecje celebrade dal arcivescul di Udin, bonsignôr Andrea Bruno Mazzocato.

L'intervent conservatîf, par cure de restauradore Alessandra Bressan di Codroip, al à permetût **gnovis ricercjis in ambit storic artistic**, vierzint la strade al disvilup di gnûfs approfondiments su cheste piçule *imago lignea*, che e jentre vuê intal **corpus de sculture furlane** tant che testimoniance di rilêf inte produzion de ete a cjavâl tra il **Gotic Tart e il Rinassiment**.

Program dal incuintri

Joiibe ai 20 di Avrîl dal 2023 - aes 16.30

Sorintendence Archeologjie, bielîs arts e paisaç dal Friûl-Vignesie Julie

Udin, Palaç Clabassi - vie Zanon 22

Dal restaur ae tutele: pe cognossince de *Madone in tron cul Frutin* di Martignà

E introdûs e e modere

Annamaria Nicastro - Funzionarie storiche de art SABAP FVJ

Intervents di:

Alessandra Bressan - Restauradore

L'intervent di restaur de sculture di len "Madone cul Frut" dal sec. XV de glesie di Sante Marie Maiôr di Martignà

Francesca Frucco – Colaboradore SABAP FVG

La Madone in tron cul Frutin di Martignà. Aponts par une storie

Revision e traduzion dai tescj par cure dal Sportel Regionâl pe Lenghe Furlane / Revisione e traduzione dei testi eseguite dallo Sportello regionale per la lingua friulana dell'ARLeF

Udin, ai 13.04.23

Ufici Comunicazion e Promozion de Sorintendence Archeologjie, bielîs arts e paisaç dal Friûl-Vignesie Julie

sabap-fvg.comunicazionepromozione@cultura.gov.it

+39 040 4527527

<https://sabapfvg.cultura.gov.it/>

<http://www.facebook.com/SABAP.FVG>